



KENYATAAN MEDIA

“KOMUNITI AKTIF, WILAYAH PROGRESIF” DIPERKUKUH MELALUI PSKWP2026

Kuala Lumpur, 11 APRIL 2026: Aspirasi “Komuniti Aktif, Wilayah Progresif” diperkukuh melalui pelancaran Program Senaman Aerobik Komuniti Wilayah Persekutuan 2026 (PSKWP2026) oleh Menteri di Jabatan Perdana Menteri (Wilayah Persekutuan), YB Hannah Yeoh hari ini di Dataran Perumahan Awam Sri Sabah 3B, Bandar Tun Razak.

Program ini merupakan inisiatif Jabatan Wilayah Persekutuan dengan kerjasama Majlis Sukan Wilayah Persekutuan (MSWP) yang diilhamkan sejak YB Menteri mengambil alih portfolio Wilayah Persekutuan dengan fokus untuk memperkenalkan program yang lebih dekat dengan komuniti, khususnya di ibu negara.

Majlis pelancaran ini turut dihadiri oleh YBhg. Dato’ Seri Dr. Wan Azizah Wan Ismail, Ahli Parlimen Bandar Tun Razak.

PSKWP2026 bertujuan membudayakan gaya hidup sihat dalam kalangan komuniti, khususnya di kawasan Perumahan Awam (PPR) dan Perumahan Awam (PA), melalui pendekatan yang inklusif, mudah disertai dan berterusan.

Pada hari pelancaran hari ini, sebanyak 25 lokasi PPR/PA di Kuala Lumpur terlibat secara serentak berlangsungnya senaman aerobik pada sebelah pagi. Sepanjang hujung minggu ini, program diperluaskan melibatkan keseluruhan 44 lokasi di Kuala Lumpur, 6 lokasi di Putrajaya dan 5 lokasi di Labuan, menjadikan ia antara program komuniti berskala besar di Wilayah Persekutuan.

Program secara ini percuma dan terbuka kepada semua lapisan masyarakat, serta akan dilaksanakan secara mingguan dan berterusan sepanjang tahun 2026.

Pelaksanaannya disokong melalui kerjasama strategik Persatuan Sukan Kecergasan Malaysia (MAFA), Majlis Perwakilan Penduduk (MPP), Dewan Bandaraya Kuala Lumpur (DBKL), Perbadanan Putrajaya (PPJ) dan Perbadanan Labuan (PL) serta pelbagai agensi berkaitan bagi memastikan pelaksanaan yang menyeluruh dan berimpak tinggi.

PSKWP2026 dijangka mampu menarik penyertaan yang konsisten di setiap lokasi serta berpotensi menjadi program “signature” komuniti Wilayah Persekutuan dalam memperkukuh kesejahteraan rakyat secara berterusan.

TAMAT

Untuk sebarang pertanyaan / maklumat tambahan, boleh hubungi Pegawai Penerangan MSWP, Jumiati binti Rosly (012-6548155).